



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Poggii Florentini Oratoris || Clarissimi, Ac Sedis Apo.||
Secretarii Opervm ||**

Poggio Bracciolini, Gian Francesco

Argentinae, 1513

VD16 ZV 12623

Ioanni pratensi

urn:nbn:de:hbz:466:1-14341

quorundam societatem. Quae autem addidi multos errores fatos per aliquos qui vitae integritatem ostentant. tu ipse nostri conuocatione de vobis nuper habitam: non ob virtutem multorum sed ob nonnullorum vitiositatem esse factam non ad laudandos sed ad comprimendos quosdam esse indictam. Nam de sceleribus a me scriptis ita tibi indignum videri satis miror. Si rationibus ista probanda essent non exemplis: satis posse dicta mea defendere sed neminem volo a me nominari, citius a causa decidam quam aliquos proferam. Quos si ignoras: beatum te iudico qui careas ea molestia. Sin dissimulas: laudo prudentiam tuam: qui occulta velis esse & recta ea quibus cognitis & multi ad imitandum incitentur: & paucorum culpa lederet uniter forum famam. Non sum infensus mihi credas velim / illi religioni. Sed despicio illos qui religionis suae habitum spe questus faciunt: & vestes tamen mutantes / prioris vitae sordes minime abiecerunt. De se tamen ipsi videntur: mihi id agendum est / ut mihi ipsi prospiciam. Reddet unusquisque rationem villicationis suae. Vnum scias: me quousque sim malus / tamen abhorre ab eorum secta qui simulatione boni non tamen caeteros / quam se ipsos fallunt. Quibus neque amicum meum neque beniuolum profiteor. Nil confert vestis sordida ad virtutem: sed mores & vitae sanctimonia. Caeterum de loco illi edificet ne an deserat mihi parua est cura. Videant illi quibus id est utile futurum. Nam ego illorum doctrina / aut expensis non egeo. Letabor tamen comodo contubernio meorum: eosque quoad poterit iuuabo cum tempus se dabit: ut quod cupiant allesquant. Verum minor multorum curiositatem: qui maiorem salutis alterius quam suae sollicitudinem capiunt. Sed alios omittam. Tu in praedicatione: & eam provinciam suscipe quae demandetur tibi. Aedificandorum vero locorum alij curam relinque. Tibique persuade ubique fueris / ibi posse seruire Deo. Boni vero publici sollicitudinem atque onus tantum suscipe / quantum tibi imponitur. Nam neque Episcopus es: neque commissa est tibi cura caeterorum. Scis quotquot venerunt / fures esse & latrones. Dixit: qui venerunt / non qui missi sunt. Vale. & me ama. Romae octauo Kalen. Martij.

Poggii florentinus Ioanni Prateni S.D.P.

Ita mihi recte agendi mens perpetuo detur: ut summe gaudeam te esse vicarium archiepiscopi Pisani. habes enim virum & prudentem & perhumanum eum / cum quo est mihi iam dudum ab adolescentia summa vitae consuetudo: ut existimem tum virtute tua primum / tum etiam amicitia nostra te illi acceptiorem futurum. Scio enim te non reticuisse / quia sumus inter nos mansuetudine ac beniuolentia: quod illi non dubito fore admodum gratum: si tamen pristinum in me amorem seruauit. Quisquis tamen is fuerit / non diffido ex nostra coniunctione propensorem erga te fore archiepiscopi voluntatem. Nunc vero te pro nostra amicitia hortor moneoque: ut has studiorum tuorum primitias tales esse velis / ut ex agro & fertili & bene culto prodiere videant. Cultura vero animi virtus est: quae uberimos fructus parit. Hanc amplexere hanc exercere: curaque omni diligentia: ut praeter doctrinam iuris / recte quoque viuendi studium consequaris. In primis corruptelas fuge: teque immaculatum a peccatis seruare: neque quicquam agas / quoad potest fieri / cuius te poenitere necesse sit. Inter caetera iustitiam cole: recte iudica: & quicquid agis / Deum spectatorem cogita. Praestat enim pauperiorem esse integris moribus / quam diuitem vitia peccata. Id age: ut iuris scientia non solum afferat subsidium / sed & virtutis ornamentum. Hi enim rectissimi me mihi vitam institutere videntur: qui rerum doctrinam coniungunt cum sanctimonia viuendi. Sed omnia assequaris si fugeris auariciam malorum omnium irritamentum. Scripsi haec paucis propter amorem in te meum: quae tu accipias in bonam partem volo. Alter fortasse te ad lucrum & questum exhortaret. Illud & ego tibi iuradeo: dum modo non sit a virtute seiumctum. Nam in turpitudine nihil potest esse utile. Sed haec tu melius. Vale.

Ne hinc ea confidendum proferat
ut videri possit ad meum proferat

Consilium
frugi.

in uicinia malorum
deuotus foris